



Jabatan Perdana Menteri

جايان كمالوان اسلام مليسيا
JABATAN KEMAJUAN ISLAM MALAYSIA

GARIS PANDUAN DAN HIMPUNAN DOA BAGI MAJLIS RASMI DAN SEPARUH RASMI KERAJAAN



HAK CIPTA JABATAN KEMAJUAN ISLAM MALAYSIA
www.islam.gov.my
Terbitan 2026

Hak cipta terpelihara. Tidak dibenarkan mengeluarkan ulang mana-mana artikel, ilustrasi dan kandungan buku ini dengan apa jua cara sama ada secara elektronik, fotokopi, mekanik, rakaman atau cara lain sebelum mendapat izin bertulis terlebih dahulu daripada Ketua Pengarah, Jabatan Kemajuan Islam Malaysia, Kompleks Islam Putrajaya, 62100 Putrajaya, Malaysia.

Data Pengkatalogan dalam Penerbitan
GARIS PANDUAN DAN HIMPUNAN DOA BAGI MAJLIS RASMI DAN
SEPARUH RASMI KERAJAAN

Reka Bentuk dan Atur Huruf
Jabatan Kemajuan Islam Malaysia (JAKIM),
Blok A dan B, Kompleks Islam Putrajaya,
No.23, Jalan Tunku Abdul Rahman,
Presint 3, 62100 Putrajaya.

Terbitan
JABATAN KEMAJUAN ISLAM MALAYSIA (JAKIM)

KANDUNGAN	
Prakata Ketua Pengarah JAKIM	5
BAHAGIAN 1: GARIS PANDUAN TATACARA MEMBACA DOA	6 - 13
- Tujuan	
- Pendahuluan	7
- Rasional	
- Takrif	
- Kriteria Majlis Bacaan Doa	8
- Teks Doa	10
- Pembaca Doa	11
- Tatacara Bacaan Doa	12
- Tempoh Pembacaan Doa	13
- Penutup	
BAHAGIAN 2: CONTOH DOA MAJLIS RASMI DAN SEPARUH RASMI KERAJAAN	14
- Doa Sempena Lawatan Kerja Rasmi Seri Paduka Baginda Yang di-Pertuan Agong	16
- Doa Majlis Pembukaan Rasmi Sidang Parlimen	19
- Doa Perjumpaan Bulanan YAB Perdana Menteri Bersama Warga JPM	23
- Doa Selamat	25

PRAKATA
KETUA PENGARAH
JABATAN KEMAJUAN ISLAM MALAYSIA (JAKIM)

بِسْمِ اللَّهِ الرَّحْمَنِ الرَّحِيمِ

Segala puji dan syukur dipanjatkan ke hadrat Allah SWT, Tuhan sekalian alam. Selawat dan salam ke atas junjungan besar Nabi Muhammad SAW, ahli keluarga serta seluruh sahabat baginda SAW yang mulia.

Alhamdulillah dengan limpahan rahmat dan izin-Nya jua, maka terbitlah Garis Panduan Dan Himpunan Doa Bagi Majlis Rasmi Dan Separuh Rasmi Kerajaan sebagai panduan dan rujukan kepada semua pihak khususnya pihak kementerian dan agensi atau jabatan kerajaan.

Doa adalah senjata mukmin. Berdoa adalah satu amalan mulia dan sangat dituntut di dalam Islam. Ia adalah simbol dan bukti kerendahan dan kelemahan diri manusia di hadapan Allah SWT, Tuhan Penguasa seluruh alam. Berdoa tujuannya ialah untuk memohon limpahan rahmat dan kasih sayang Allah SWT agar diberikan segala kebaikan dan keselamatan, dijauhi keburukan dan kerosakan serta dikurniakan keberkatan daripada sisi-Nya dalam setiap perkara yang dilaksanakan.

Alhamdulillah, pihak kerajaan melalui Mesyuarat Jemaah Menteri telah mengambil pendirian dan perhatian berkenaan doa dan tatacara pelaksanaannya terutama di dalam majlis-majlis rasmi dan separuh rasmi kerajaan agar dilaksanakan secara teratur mengambil kira keperluan semasa dan majlis yang dilaksanakan. Justeru, Jabatan Kemajuan Islam Malaysia (JAKIM) telah mengambil langkah mengemaskini dan menambahbaik Garis Panduan Dan Himpunan Doa Bagi Majlis Rasmi Dan Separuh Rasmi Kerajaan selaras dengan perkara tersebut agar ianya dilaksanakan dengan baik, sempurna dan teratur.

Akhir sekali, saya mengambil kesempatan ini merakamkan setinggi-tinggi penghargaan dan tahniah kepada Panel Pakar Syariah JAKIM yang telah membuat semakan dan kelulusan garis panduan ini. Terima kasih dan tahniah juga kepada para pegawai penyelidik JAKIM dan semua pihak yang terlibat menjayakan penerbitan garis panduan ini. Semoga ianya menjadi amal jariah dan diberikan ganjaran pahala yang berterusan daripada Allah SWT kepada kita semua.

DATO' DR. SIRAJUDDIN BIN SUHAIMEE

Ketua Pengarah

Jabatan Kemajuan Islam Malaysia (JAKIM)

BAHAGIAN 1:
GARIS PANDUAN TATACARA MEMBACA DOA

GARIS PANDUAN DOA MAJLIS RASMI DAN SEPARUH RASMI

1. TUJUAN

Garis panduan ini disediakan sebagai panduan kepada penganjur dan pembaca doa yang terlibat dalam Majlis Rasmi dan Separuh Rasmi.

2. PENDAHULUAN

- 2.1 Doa ialah satu ibadat. Ia merupakan satu tanda kerendahan hamba terhadap Allah SWT. Ia boleh dilakukan secara individu atau berkumpulan.
- 2.2 Sesuatu doa hendaklah dilakukan dengan ikhlas, khusyuk, tertib penuh tawaduk dan mesti dilakukan dengan cara yang sesuai dengan kehendak syarak. Hal ini bermakna doa tidak boleh dilakukan semata-mata sebagai satu budaya atau adat kerana ia merupakan satu cara hidup yang diajar oleh Rasulullah SAW.
- 2.3 Doa hendaklah dilakukan di tempat yang betul, masa yang sesuai, suasana yang baik dan selari dengan hukum syarak atau syariat Islam.

3. RASIONAL

Perlembagaan Persekutuan Perkara 3 (1) memperuntukkan bahawa Islam ialah agama bagi persekutuan. Oleh itu amalan membaca doa dalam majlis-majlis rasmi dan separuh rasmi kerajaan adalah selari dengan peruntukan tersebut.

4. TAKRIF

- 4.1 Majlis Rasmi

Majlis Rasmi ialah suatu majlis yang dianjurkan oleh Kerajaan Persekutuan atau Kerajaan Negeri.

4.2 Majlis Separuh Rasmi

Majlis Separuh Rasmi ialah majlis yang dianjurkan selain dari kerajaan tetapi dihadiri oleh para pembesar atau pemimpin sama ada di peringkat negeri atau persekutuan (negara).

4.3 Doa

Doa ialah satu ucapan permohonan dari hamba (manusia) kepada Allah SWT dengan hati yang ikhlas bagi mendapat rahmat, *inayah* (pemeliharaan) dan juga bagi dijauhkan dari bala bencana dengan cara dan adab yang tertentu. Ia juga boleh dituturkan dalam pelbagai bahasa.

5. KRITERIA MAJLIS BACAAN DOA

5.1 Tempat Majlis Berdoa

- i. Hendaklah di tempat perhimpunan yang bertujuan untuk kebaikan dan bersesuaian dengan ajaran Islam.
- ii. Tempat yang tidak mencemarkan kesucian agama Islam.

5.2 Tempat Pembaca Doa

- i. Penganjur hendaklah menyediakan tempat duduk yang sesuai untuk pembaca doa.
- ii. Tempat bacaan doa hendaklah di atas pentas atau rostrum utama (jika ada pentas).

5.3 Majlis Dilarang dan Ditegah Untuk Bacaan Doa

- i. Majlis yang berunsur maksiat dan mungkar seperti mengadakan hidangan arak atau perjudian dan seumpama dengannya.
- ii. Majlis yang bercampur aduk dengan upacara-upacara tidak sesuai dengan konsep doa sebagai ibadah seperti acara nyanyian, karaoke, tari-menari, berlakunya pergaulan bebas antara lelaki dan perempuan dan sebagainya.
- iii. Majlis yang dikaitkan dengan upacara-upacara keagamaan atau perayaan agama lain.
- vi. Upacara yang melibatkan penyembahan atau memberi penghormatan kepada tugu atau patung-patung orang tertentu.

5.4. Bacaan Doa Dalam Majlis Yang Disertai Pelbagai Penganut Agama.

- i. Bacaan doa bagi majlis rasmi atau majlis separuh rasmi kerajaan adalah doa oleh orang Islam sahaja. Penganjur atau pengacara majlis atau pembaca doa tidak harus mengajak atau menjemput penganut agama lain yang hadir untuk sama-sama berdoa mengikut kepercayaan masing-masing.
- ii. Dalam keadaan bencana atau musibah yang melibatkan orang Islam dan bukan Islam, majlis rasmi atau majlis separuh rasmi bersama-sama boleh diadakan, namun bacaan doa agama Islam sahaja dibaca. Upacara doa agama lain selain Islam boleh dilaksanakan di rumah ibadah masing-masing.

6. TEKS DOA

6.1 Mukadimah

- i. Permulaan doa hendaklah mengandungi lafaz puji-pujian kepada Allah SWT dan selawat ke atas Nabi Muhammad SAW dalam Bahasa Arab dan boleh diikuti dengan doa dalam bahasa-bahasa lain.

6.2 Isi Kandungan Doa

- i. Teks doa hendaklah mengandungi permohonan untuk keselamatan, kesejahteraan umum dan diikuti dengan permohonan doa secara khusus sesuai dengan majlis berkenaan.
- ii. Teks doa setiap perenggan sebaik-baiknya disebut nama-nama Allah SWT (أَسْمَاءُ الْحُسْنَى) dan sifat-sifat Allah SWT sesuai dengan perkara yang dipohon seperti يَا رَزَّاقُ (Yang Maha Pemberi Rezeki) bagi doa majlis anugerah perkhidmatan cemerlang.
- iii. Sekiranya majlis yang dianjurkan dihadiri oleh Seri Paduka Baginda Yang di-Pertuan Agong sama ada sebagai perasmis majlis atau jemputan khas, pembaca doa hendaklah menyebut secara khusus doa kesejahteraan yang ditujukan kepada Seri Paduka Baginda sendiri sebagai satu penghormatan kepada pemimpin agama Islam paling tinggi dalam negara.
- iv. Teks doa juga sewajarnya menyebut doa kesejahteraan secara umum kepada pemimpin-pemimpin negara serta ummah keseluruhannya. Tidak perlu menyebutkan nama orang kenamaan yang hadir.

- v. Teks doa tidak perlu menyebut perkataan-perkataan yang boleh menimbulkan suasana tidak harmoni dalam kalangan masyarakat dan negara.
- vi. Isi kandungan doa hendaklah dibaca dalam Bahasa Arab. Terjemahan teks doa dalam Bahasa Melayu, Bahasa Inggeris dan bahasa-bahasa lain boleh disediakan dan dipaparkan di skrin, sesuai dengan hadirin dan majlis tersebut.

6.3 Penutup Doa

Lazimnya doa ditutup dengan doa permohonan keselamatan dunia dan akhirat. Pada bahagian akhir doa hendaklah mengandungi bacaan selawat dan *tahmid* (الْحَمْدُ لِلَّهِ) dalam Bahasa Arab.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ
وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ

6.4 Paparan Teks Doa Di Skrin

Penganjur atau urus setia majlis adalah disyor memaparkan teks doa dan terjemahan teks di skrin yang disediakan.

7. PEMBACA DOA

7.1 Taraf Pembaca Doa

- i. Disyorkan pembaca doa bagi majlis di peringkat persekutuan yang dihadiri oleh Seri Paduka Baginda Yang di-Pertuan

Agong ialah Sahibus Samahah Mufti, Pegawai Agama Istana Negara, Timbalan Mufti atau Imam Besar Masjid Negara.

- ii. Pembaca doa bagi majlis di peringkat negeri yang dihadiri oleh Duli Yang Maha Mulia Sultan atau Raja, Raja Muda atau Wakil Sultan atau Wakil Raja, doa hendaklah dibaca oleh Sahibus Samahah Mufti Negeri atau Timbalan Mufti atau amalan yang biasa diguna pakai oleh negeri berkenaan.
- iii. Bagi majlis-majlis lain, pembaca doa boleh dilantik daripada kalangan mereka yang layak, seperti mana dalam para 7.2 di bawah.

7.2 Kriteria Pembaca Doa

- i. Pembaca doa hendaklah seorang lelaki dan beragama Islam, boleh menyebut perkataan-perkataan dalam bahasanya dengan tepat, fasih dan betul.
- ii. Pembaca doa hendaklah individu yang mempunyai akhlak dan sahsiah baik yang tidak dipertikai oleh pendengar dan masyarakat.
- iii. Pembaca doa mestilah mengetahui kesesuaian doa yang dibaca bagi satu-satu majlis yang diadakan.
- iv. Bagi majlis yang hanya dihadiri oleh golongan wanita, pembaca doa bolehlah dilantik dari kalangan wanita.

7.3 Pakaian

Pembaca doa hendaklah memakai pakaian yang bersesuaian dengan suasana majlis yang diadakan.

8. TATACARA BACAAN DOA

- 8.1 Sebelum majlis bermula, pembaca doa hendaklah berhubung dengan urus setia atau penganjur majlis bagi mendapatkan maklumat berikut:
- i. Tarikh, masa dan tempat majlis.
 - ii. Objektif dan tujuan majlis dianjurkan.
 - iii. Nama majlis, nama perasmi atau nama orang yang diraikan dalam teks doa.
 - iv. Tentatif program.
- 8.2 Pembaca doa hendaklah datang lebih awal dan memastikan di mana tempat bacaan doa.
- 8.3 Sebelum doa dibaca, pembaca doa hendaklah memberi tanda hormat kepada tetamu khas dan lain-lain tetamu yang hadir, memberi salam dan memulakan bacaan doa. Bacaan Surah al-Fatihah sebelum bacaan doa mengikut kesesuaian majlis.
- 8.4 Pembaca doa dianjurkan mengangkat tangan ketika berdoa.
- 8.5 Pembaca doa hendaklah membaca dengan nada suara yang sesuai dengan maksud ayat di samping suara yang jelas, tidak terlalu laju dan hendaklah dibaca dengan khusyuk serta tawaduk.

9. TEMPOH PEMBACAAN DOA

- 9.1 Masa berdoa bagi majlis rasmi atau separuh rasmi sebaik-baiknya pada permulaan majlis tersebut.
- 9.2 Tempoh masa untuk membaca doa antara 2 hingga 3 minit.

10. PENUTUP

Garis Panduan dan Himpunan Doa Bagi Majlis Rasmi dan Separuh Rasmi ini diharap dapat dijadikan rujukan serta panduan kepada pembaca-pembaca doa khususnya dan penganjur program rasmi dan separuh rasmi amnya. Garis panduan ini juga dapat membantu dan membimbing kepada semua lapisan masyarakat apabila berdoa mudah-mudahan ia lebih berkualiti dan seragam di seluruh negara.

BAHAGIAN 2:
CONTOH DOA MAJLIS RASMI DAN SEPARUH RASMI
KERAJAAN

TEKS DOA MAJLIS RASMI DAN SEPARUH RASMI¹

¹ Koleksi teks doa ini adalah sebagai panduan dan contoh kepada penganjur/urus setia sahaja. Penganjur / urus setia boleh mengolah dan menentukan panjang atau pendek teks doa ini tertakluk kepada kesesuaian majlis.

بِسْمِ اللَّهِ الرَّحْمَنِ الرَّحِيمِ،
الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ أَشْرَفِ الْأَنْبِيَاءِ وَالْمُرْسَلِينَ،
وَعَلَى آلِهِ وَصَحْبِهِ أَجْمَعِينَ.

اللَّهُمَّ يَا رَحْمَنُ يَا رَحِيمُ،
تَوَجَّهْ إِلَيْكَ بِالْخُشُوعِ وَالتَّضَرُّعِ، نَدْعُوكَ وَنَسْأَلُكَ أَنْ تَنْفُضَ قُبَارِكَ وَتَحْفَ بِالرَّحْمَةِ عَلَى بَرَنَاجِ
زِيَارَةِ حَضْرَةِ صَاحِبِ الْجَلَالَةِ الْمَلِكِ الْمُعْظَمِ سَرِي قُدُوكَ بِكَيْنْدَايَغِ دَفَرْتَوَانِ اَكُوغِ
(... اِسْمُ جَلَالَتِهِ ...)، فِي هَذَا الصَّبَاحِ الْمُبَارَكِ. اللَّهُمَّ بَارِكْ هَذَا الْمَجْلِسَ مِنْ أَوَّلِهِ إِلَى
آخِرِهِ، وَنَعُوذُ بِكَ يَا اللَّهُ مِنْ كُلِّ مَا يُشَوِّهُ هَذَا الْمَجْلِسَ، وَمِنْ كُلِّ مَا يُلْهِينَا عَنْ طَاعَتِكَ وَعَنْ
أَدَاءِ حَقِّكَ.

يَا أَكْرَمَ الْأَكْرَمِينَ، وَيَا أَرْحَمَ الرَّاحِمِينَ،
أَفْضُ حِفْظَكَ وَحِمَايَتِكَ، وَهَذَاكَ الدَّائِمَ، وَالصِّحَّةَ وَالْعَافِيَةَ الْمُسْتَمِرَّةَ، فِي ظِلِّ الْإِيمَانِ وَالطَّاعَةِ،
عَلَى عَبْدِكَ وَمَمْلِكَا الْمُبَجَّلِ، حَضْرَةِ صَاحِبِ الْجَلَالَةِ الْمَلِكِ الْمُعْظَمِ سَرِي قُدُوكَ بِكَيْنْدَايَغِ
دَفَرْتَوَانِ اَكُوغِ
(... اِسْمُ جَلَالَتِهِ ...)

اللَّهُمَّ يَا حَنَّانُ يَا مَنَّانُ،
يَا ذَا الْجُودِ وَالْكَرَامَةِ، أَمْنَحْنَا الْمَغْفِرَةَ وَالرَّحْمَةَ، وَإِنْ أَرَدْتَ بِعِبَادِكَ فِتْنَةً أَوْ بَلَاءً أَوْ ابْتِلَاءً،
فَاجْعَلْ لَنَا مِنْهَا وَقَايَةً وَسَلَامَةً، وَاغْرِسْ فِي قُلُوبِنَا مَحَبَّتَكَ، وَمَحَبَّةَ مَنْ يُحِبُّكَ وَيُطِيعُكَ،

وَحُبِّ الْأَعْمَالِ الَّتِي تُقَرِّبُنَا إِلَى رِضْوَانِكَ. وَارْزُقْنَا حُبَّ الْخَيْرِ وَفِعْلَهُ، وَزَيْنَ قُلُوبِنَا بِمَحَبَّةِ النَّاسِ
أَجْمَعِينَ، اقْتِدَاءً بِأَخْلَاقِ نَبِيِّكَ، خَيْرِ الْأُسُوةِ وَأَحْسَنِ الْقُدُورَةِ.

رَبَّنَا آتِنَا فِي الدُّنْيَا حَسَنَةً، وَفِي الْآخِرَةِ حَسَنَةً، وَقِنَا عَذَابَ النَّارِ.
وَصَلَّى اللَّهُ عَلَى سَيِّدِنَا مُحَمَّدٍ وَعَلَىٰ آلِهِ وَصَحْبِهِ أَجْمَعِينَ، وَالْحَمْدُ لِلَّهِ رَبِّ الْعَالَمِينَ.

TERJEMAHAN DOA (DI PAPARAN SKRIN)

Dengan nama Allah Yang Maha Pemurah lagi Maha Penyayang.
Segala puji bagi Allah, Tuhan pentadbir sekalian alam. Selawat dan salam
ke atas junjungan besar Nabi Muhammad SAW, ahli keluarga Baginda
serta seluruh para sahabat.

Ya Allah Yang Maha Pemurah lagi Maha Penyayang, dengan penuh
khusyuk dan rendah diri kami menadah tangan memohon kepada-Mu agar
Engkau memberkati dan merahmati Program Lawatan Kebawah Duli Yang
Maha Mulia Seri Paduka Baginda Yang di-Pertuan Agong ke-(...) pada
pagi yang penuh keberkatan ini. Ya Allah, berkatilah majlis ini dari awal
hingga akhirnya, dan kami berlindung kepada-Mu daripada segala perkara
yang mencacatkan majlis ini serta segala yang melalaikan kami daripada
mentaati-Mu dan menunaikan kewajipan kepada-Mu.

Wahai Tuhan Yang Maha Mulia lagi Maha Penyayang, limpahkanlah
pemeliharaan dan perlindungan-Mu, hidayah yang berterusan, serta
kesihatan dan kesejahteraan yang berpanjangan dalam iman dan ketaatan

kepada hamba-Mu dan Raja kami yang dimuliakan, Kebawah Duli Yang Maha Mulia Seri Paduka Baginda Yang di-Pertuan Agong (.....).

Wahai Tuhan kami, Ya Allah Yang Maha Pengasih lagi Maha Pemberi, wahai Tuhan yang memiliki kemurahan dan kemuliaan, kurniakanlah kepada kami keampunan dan rahmat. Sekiranya Engkau menurunkan fitnah, bala atau ujian, maka lindungilah dan sejahterakanlah kami. Tanamkanlah dalam hati kami kecintaan kepada-Mu, kecintaan kepada orang-orang yang mencintai dan mentaati-Mu, serta kecintaan kepada amalan yang mendekatkan kami kepada keredaan-Mu. Kurniakanlah kepada kami kesukaan melakukan kebaikan, dan hiasilah hati kami dengan kasih sayang kepada seluruh manusia, dengan meneladani akhlak Nabi-Mu sebagai sebaik-baik contoh dan suri teladan.

بِسْمِ اللَّهِ الرَّحْمَنِ الرَّحِيمِ
الْحَمْدُ لِلَّهِ رَبِّ الْعَالَمِينَ، حَمْدًا يُؤَاتِي نِعَمَهُ وَيُكَافِي مُزِيدَهُ، يَا رَبَّنَا لَكَ الْحَمْدُ كَمَا يَنْبَغِي لِجَلَالِ
وَجْهِكَ وَعَظِيمِ سُلْطَانِكَ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ.

اللَّهُمَّ يَا مُجِيبَ السَّائِلِينَ، إِنَّا نَرْفَعُ إِلَيْكَ أَكْفَ الضَّرَاعَةِ بِقُلُوبٍ خَاشِعَةٍ مُخْلِصَةً، شَاكِرِينَ لِنَيْضِ
نِعَمِكَ وَكَرَمِكَ، إِذْ جَمَعْتَنَا فِي هَذِهِ الْقَاعَةِ الْمُوقَرَّةِ، فِي هَذَا الصَّبَاحِ الْمُبَارَكِ، بِمُنَاسَبَةِ مَرَامِ
افْتِتَاحِ الدَّوْرَةِ الْبَرْلَمَانِيَّةِ (.....) لِلْجَلْسَةِ (.....)، الَّتِي تَفْضُلَ بِافْتِتَاحِهَا رَسْمِيًّا حَضْرَةَ
صَاحِبِ الْجَلَالَةِ الْمَلِكِ الْمُعَظَّمِ يَحْيَى دَفْتَرْتَوَانِ أَسْكُوغ (.....)، وَحَضْرَةَ
صَاحِبَةِ الْجَلَالَةِ الْمَلِكَةِ الْمُعَظَّمَةِ رَاجِ فَرْمَايسُورِي أَسْكُوغ (.....)

اللَّهُمَّ أَسْبِغْ عَلَيْهِمَا شَايِبَ رَحْمَتِكَ وَرِضْوَانِكَ، وَأَدِمْ عَلَيْهِمَا لِبَاسَ الصِّحَّةِ وَالْعَافِيَةِ، وَثَبِّتِ
الْإِيمَانَ فِي قُلُوبِهِمَا، وَبَارِكْ فِي أَعْمَالِهِمَا، وَارْزُقْهُمَا السَّعَادَةَ فِي الدُّنْيَا وَالْآخِرَةِ.

اللَّهُمَّ يَا مَنْ لَهُ الْعِزَّةُ وَالْكَرَامَةُ، إِنَّا نُدْرِكُ يَقِينًا أَنَّ حُضُورَنَا فِي هَذَا الْمَجْلِسِ الْمُبَجَّلِ هُوَ لِحَمْلِ
أَمَانَةِ الدِّينِ وَالْأُمَّةِ وَالْوَطَنِ الْحَبِيبِ. فَاهْدِنَا بِتَوْفِيقِكَ وَهْدَايَتِكَ لِنَجْعَلَ مِنْ هَذِهِ الْجَلْسَةِ مَنَبْرًا
لِطَرَجِ الْأَفْكَارِ السَّدِيدَةِ، وَالْمُحْجِجِ الْبَالِغَةِ، النَّابِعَةِ مِنْ قُلُوبٍ مُخْلِصَةٍ، وَلِنَتَدَاوَلَ الرَّأْيَ فِي جَوْ مِنْ
الْوَنَامِ وَرُوحِ الْأُخُوَّةِ، لِرَسْمِ سِيَاسَاتٍ تَبْنِي الْوَطَنَ، وَتُحَقِّقُ التَّقَدُّمَ وَالرِّخَاءَ وَالْإِزْدِهَارَ لِكُلِّ
أَبْنَاءِ هَذَا الْبَلَدِ.

اَللّٰهُمَّ يَا حَفِيْظُ يَا كَرِيْمُ، اَحْفَظْنَا وَاَحْفَظْ قَادَتَنَا اَجْمَعِيْنَ. وَاَرْزُقْنَا عُقُوْلًا زَكِيَّةً رَشِيْدَةً،
وَصُدُوْرًا مُّنْشِرِحَةً لِقَبُوْلِ الْحَقِّ. وَاغْرِسْ فِيْ نَفُوْسِنَا الْاَخْلَاقَ الْكَرِيْمَةَ، مِنْ الصِّدْقِ وَالتَّزَاهَةِ
وَالصَّبْرِ الْجَمِيْلِ. وَجَنِّبْنَا مَسَاوِيْءَ الْاَخْلَاقِ — مِنْ الْكِبْرِ وَقَسُوَةِ الْقَلْبِ وَالْعُجْبِ وَالْحَسَدِ
وَالضَّغِيْنَةِ — فَاِنَّهَا تُفْسِدُ النَّفْسَ وَتُدْمِرُ وَحْدَةَ الْمُجْتَمَعِ وَانْسِجَامَهُ فِيْ هَذَا الْوَطَنِ.

اَللّٰهُمَّ يَا ذَا الْفَضْلِ وَالْجُوْدِ وَالْكَرَمِ، وَثِّقْ عُرَى الْمَحَبَّةِ وَالْوَلَاءِ بَيْنَ الرَّعِيَّةِ وَالرُّعَاةِ، وَاَحْفَظْ
قَدَاسَةَ الْاِسْلَامِ وَحُرْمَةَ وَطَنِنَا الْغَالِي، وَاَدْفَعْ عَنَّا جَمِيْعًا الْبَلَايَا وَالْفِتَنَ وَالْفَوْضَى، لِنَحْيَا فِيْ اَمْنٍ
وَسَلَامٍ وَعَافِيَةٍ تَحْتَ ظِلِّ اِحْسَانِكَ وَرِضَاكَ.

رَبَّنَا ظَلَمْنَا اَنْفُسَنَا وَاِنْ لَمْ تَغْفِرْ لَنَا وَتَرْحَمْنَا لَنَكُوْنَنَّ مِنَ الْخَاسِرِيْنَ. رَبَّنَا آتِنَا فِي الدُّنْيَا حَسَنَةً وَفِي
الْآخِرَةِ حَسَنَةً وَقِنَا عَذَابَ النَّارِ.
وَصَلَّى اللّٰهُ عَلٰى سَيِّدِنَا مُحَمَّدٍ وَعَلٰى اٰلِهِ وَصَحْبِهِ اَجْمَعِيْنَ. وَالْحَمْدُ لِلّٰهِ رَبِّ الْعَالَمِيْنَ.

TERJEMAHAN DOA (DI PAPARAN SKRIN)

Dengan nama Allah Yang Maha Pemurah lagi Maha Penyayang.
Segala puji bagi Allah Tuhan sekalian alam, pujian yang menyempurnakan
nikmat-Nya dan menandingi kelebihan-Nya. Wahai Tuhan kami, bagi-Mu
segala puji sebagaimana layak bagi keagungan Wajah-Mu dan kebesaran
Kekuasaan-Mu. Selawat dan salam ke atas junjungan kami Nabi
Muhammad SAW serta ke atas keluarga dan para sahabat Baginda
seluruhnya.

Ya Allah, Wahai Tuhan Yang Memperkenankan Segala Permintaan,
Sesungguhnya kami menadah tangan dengan penuh khusyuk dan ikhlas,
merafakkan kesyukuran atas limpahan nikmat dan kemurahan-Mu, kerana
telah menghimpunkan kami di dewan yang mulia ini, pada pagi yang penuh
keberkatan ini, bersempena **Majlis Istiadat Pembukaan Penggal**
(ke-.....) Parlimen (ke-.....) yang telah disempurnakan perasmianya oleh
Kebawah Duli Yang Maha Mulia Seri Paduka Baginda Yang di-Pertuan
Agong, (...**nama** ...) dan Kebawah Duli Yang Maha Mulia Seri Paduka
Baginda Raja Permaisuri Agong, (...**nama** ...).

Ya Allah, curahkanlah sepenuh rahmat dan keredhaan-Mu ke hadapan
Baginda berdua. Kurniakanlah kepada Baginda berdua kesihatan dan
keafiatan yang berpanjangan, tetapkanlah iman di jiwa Baginda, berkatilah
segala pemerintahan Baginda, serta kurniakanlah kebahagiaan di dunia
dan di akhirat.

Ya Allah, Wahai Tuhan Yang Memiliki Keagungan dan Kemuliaan,
Kami menyedari dengan penuh keyakinan bahawa kehadiran kami di
dewan yang disanjung ini adalah demi memikul amanah agama, bangsa,
dan tanah air yang tercinta. Maka pimpinlah kami dengan taufik dan
hidayah-Mu, agar kami dapat menjadikan persidangan ini sebagai wadah
untuk melontarkan idea-idea yang bernas dan hujah yang bijaksana, yang
terbit daripada hati yang tulus. Jadikanlah perbahasan kami dalam suasana
harmoni dan penuh semangat ukhuwah, demi merangka dasar yang
membangunkan negara, serta merealisasikan kemajuan, kemakmuran, dan
kesejahteraan bagi seluruh anak watan.

Ya Allah, Wahai Tuhan Yang Maha Memelihara Lagi Maha Mulia,

Peliharalah kami dan seluruh barisan pemimpin kami. Kurniakanlah kepada kami akal fikiran yang cerdas lagi waras, serta hati yang lapang untuk menerima kebenaran. Sematkanlah ke dalam jiwa kami akhlak yang mulia, sifat jujur, integriti yang utuh, dan kesabaran yang tinggi. Jauhkanlah kami daripada sifat-sifat yang keji—seperti takbur, keras hati, ujub, hasad dengki, dan sengketa—kerana sifat-sifat itulah yang merosakkan jiwa serta memusnahkan kerukunan dan keharmonian hidup di negara ini.

Ya Allah,

Wahai Tuhan Yang Maha Melimpah Kurnia dan Maha Pemurah,

Perkukuhkanlah ikatan kasih sayang dan taat setia antara rakyat jelata dan pemimpin negara. Peliharalah kesucian Islam dan kedaulatan negara kami yang tercinta. Hindarilah kami semua daripada sebarang bala bencana, fitnah, dan huru-hara, agar kami dapat hidup dalam keadaan aman, damai, dan selamat sentosa di bawah naungan ihsan dan keredhaan-Mu.

(Wahai Tuhan kami, kami telah menzalimi diri kami sendiri, dan jika Engkau tidak mengampuni kami dan merahmati kami, nescaya kami termasuk dalam golongan orang-orang yang rugi.)

(Wahai Tuhan kami, berilah kami kebaikan di dunia dan kebaikan di akhirat, dan peliharalah kami daripada azab neraka.)

Semoga Allah mencurahkan selawat dan salam ke atas junjungan kami Nabi Muhammad SAW, serta ke atas keluarga dan para sahabat Baginda.

Dan segala puji bagi Allah, Tuhan sekalian alam.

**Doa Perjumpaan Bulanan YAB Perdana Menteri
Bersama Warga Jabatan Perdana Menteri**

بِسْمِ اللَّهِ الرَّحْمَنِ الرَّحِيمِ
الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى رَسُولِنَا الْأَمِينِ، وَعَلَى آلِهِ وَأَصْحَابِهِ أَجْمَعِينَ.
اللَّهُمَّ إِنَّا نَسْأَلُكَ إِيمَانًا كَامِلًا، وَيَقِينًا صَادِقًا، وَعِلْمًا نَافِعًا، وَقَلْبًا خَاشِعًا، وَلِسَانًا ذَاكِرًا، وَرِزْقًا وَاسِعًا حَلَالًا
طَيِّبًا، وَعَمَلًا صَالِحًا مُتَقَبَّلًا.
اللَّهُمَّ اجْعَلْنَا لِقَائِكَ ذَاكِرِينَ، وَلِنَعْمَائِكَ شَاكِرِينَ، وَلِيَوْمِ لِقَائِكَ مِنَ الذَّاكِرِينَ، وَأَحْيَا بِطَاعَتِكَ مَشْغُولِينَ،
وَإِذَا تَوَفَّيْتَنَا فَتَوَفَّنَا غَيْرَ مَفْتُونِينَ وَلَا مَخْذُولِينَ، وَاخْتِمْ لَنَا مِنْكَ بِخَيْرٍ أَجْمَعِينَ.
اللَّهُمَّ اجْعَلْ هَذَا جَمْعًا مَرْحُومًا، وَتَفَرُّقًا مِنْ بَعْدِهِ تَفَرُّقًا مَعْصُومًا، وَلَا تَجْعَلْ فِيْنَا وَلَا مَعَنَا وَلَا بَعْدَنَا شَقِيًّا
وَلَا مَحْرُومًا وَلَا مَطْرُودًا. رَبَّنَا آتِنَا فِي الدُّنْيَا حَسَنَةً، وَفِي الْآخِرَةِ حَسَنَةً، وَقِنَا عَذَابَ النَّارِ.
وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ، وَالْحَمْدُ لِلَّهِ رَبِّ الْعَالَمِينَ.

TERJEMAHAN DOA (DI PAPARAN SKRIN)

Dengan nama Allah Yang Maha Pemurah lagi Maha Penyayang.
Segala puji bagi Allah, Tuhan pentadbir sekalian alam. Selawat dan salam
ke atas junjungan besar Nabi Muhammad SAW, ahli keluarga Baginda
serta seluruh para sahabat.

Ya Allah, kami memohon kepada-Mu iman yang sempurna, keyakinan
yang benar, ilmu yang bermanfaat, hati yang khusyuk, lidah yang sentiasa
berzikir, rezeki yang luas, halal lagi baik, serta amal soleh yang Engkau
terima.

Ya Allah, jadikanlah kami hamba-hamba yang sentiasa mengingati kebesaran-Mu, Golongan yang sentiasa mensyukuri nikmat-nikmat kurniaan-Mu, Serta mereka yang sentiasa beringat akan hari pertemuan dengan-Mu.

Hidupkanlah kami dalam keadaan sentiasa sibuk dengan ketaatan kepada-Mu. Dan apabila Engkau mewafatkan kami, wafatkanlah kami tanpa terpedaya oleh fitnah duniawi, dan tidak pula dalam keadaan hina atau terbiar. Serta sudahilah hayat kami semua dengan kesudahan yang terbaik (Husnul Khatimah).

Wahai Tuhan Yang Maha Mulia lagi Maha Penyayang, Jadikanlah perhimpunan kami ini sebagai perhimpunan yang dirahmati, dan perpisahan kami selepas ini sebagai perpisahan yang dilindungi. Janganlah Engkau jadikan dalam kalangan kami, atau bersama kami, atau selepas kami, orang yang celaka, terhalang daripada rahmat, atau disingkirkan daripada kurniaan-Mu.

Wahai Tuhan kami,
Kurniakanlah kepada kami kebaikan di dunia dan kebaikan di akhirat, dan peliharalah kami daripada azab api neraka.

Semoga Allah mencurahkan selawat dan salam ke atas junjungan kami Nabi Muhammad SAW, serta ke atas keluarga dan para sahabat Baginda. Dan segala puji bagi Allah, Tuhan sekalian alam.

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ رَبِّ الْعَالَمِينَ، حَمْدًا يُؤَافِي نِعَمَهُ وَيُكَافِي مُزِيدَهُ. وَالصَّلَاةُ وَالسَّلَامُ عَلَى سَيِّدِنَا مُحَمَّدٍ،
الْمُبْعُوثِ رَحْمَةً لِلْعَالَمِينَ، وَعَلَى آلِهِ وَصَحْبِهِ أَجْمَعِينَ.

اللَّهُمَّ إِنَّا نَسْتَحْفِظُكَ وَنَسْتَوِدِعُكَ دِينَنَا، وَإِيمَانَنَا، وَأَنْفُسَنَا، وَأَمْوَالَنَا، وَأَوْلَادَنَا، وَكُلَّ شَيْءٍ
أَعْطَيْتَنَا. اللَّهُمَّ اجْعَلْنَا وَإِيَّاهُمْ فِي كَنْفِكَ، وَأَمَانِكَ، وَجِوَارِكَ، وَعِيَاذِكَ مِنْ كُلِّ شَيْطَانٍ مَرِيدٍ،
وَجَبَّارٍ عَنِيدٍ، وَذِي عَيْنٍ، وَذِي بَغْيٍ، وَمِنْ شَرِّ كُلِّ ذِي شَرٍّ، إِنَّكَ عَلَى كُلِّ شَيْءٍ قَدِيرٌ.

اللَّهُمَّ إِنَّا نَعُوذُ بِكَ مِنْ نَزَغَاتِ الشَّيَاطِينِ، وَشُرُورِ الْإِنْسِ وَالْجَانِّ. وَنَسْأَلُكَ السَّلَامَةَ وَالْأَمْنَ
وَالْإِطْمِئْنَانَ فِي أَوْطَانِنَا. اللَّهُمَّ سَلِّبْنَا مِنْ كُلِّ سُوءٍ، وَاحْفَظْنَا مِنَ الْبَلَاءِ وَالْوَبَاءِ وَالْأَمْرَاضِ
وَالْأَسْقَامِ مَا ظَهَرَ مِنْهَا وَمَا بَطَنَ.

يَا مُتَوَلَّى السَّرَائِرِ، يَا عَالِمًا بِمَا فِي الضَّمَائِرِ، إِنَّكَ تَعْلَمُ حَاجَاتِنَا وَمَقَاصِدَنَا فِي هَذِهِ السَّاعَةِ
الْمُبَارَكَةِ. فَنَسْأَلُكَ السَّلَامَةَ الدَّائِمَةَ، وَدَفْعَ الْمَكَارِهِ وَالْحَنَنِ. يَا دَائِمَ الْإِحْسَانِ، نَرْجُو رَحْمَتَكَ
وَلُطْفَكَ. اللَّهُمَّ إِنْ كَانَ فِي سَابِقِ عِلْمِكَ بَلَاءٌ أَوْ سُوءٌ قَدْ قَدَّرَ عَلَيْنَا، فَاصْرِفْهُ عَنَّا بِرَحْمَتِكَ،
وَبَدِّلْهُ خَيْرًا وَعَافِيَةً، لِتَكُونَ حَيَاتُنَا طَيِّبَةً نَافِعَةً.

اللَّهُمَّ إِنَّا نَسْأَلُكَ الْعَفْوَ وَالْعَافِيَةَ وَالْمُعَافَاةَ الدَّائِمَةَ فِي الدِّينِ وَالْدُنْيَا وَالْآخِرَةِ. اللَّهُمَّ ادْفَعْ عَنَّا
الْبَلَاءَ وَالْوَبَاءَ وَالْغَلَاءَ مَا لَا يَكْشِفُهُ غَيْرُكَ.

اللَّهُمَّ أَحْسِنْ عَاقِبَتَنَا فِي الْأُمُورِ كُلِّهَا، وَأَجِرْنَا مِنْ خِزْيِ الدُّنْيَا وَعَذَابِ الْآخِرَةِ. رَبَّنَا عَلَيْكَ
تَوَكَّلْنَا وَإِلَيْكَ أَنَبْنَا وَإِلَيْكَ الْمَصِيرُ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ، وَالْحَمْدُ لِلَّهِ رَبِّ الْعَالَمِينَ.

TERJEMAHAN DOA (DI PAPARAN SKRIN)

Dengan nama Allah, Yang Maha Pemurah, lagi Maha Mengasihani.

Segala puji bagi Allah, Tuhan sekalian alam; pujian yang menyempurnakan nikmat-Nya dan menandingi kelebihan-Nya. Selawat dan salam ke atas junjungan kami Nabi Muhammad SAW, yang diutuskan sebagai rahmat ke seluruh alam, serta ke atas keluarga dan para sahabat Baginda sekalian.

Ya Allah, Sesungguhnya kami memohon perlindungan-Mu dan kami menyerahkan pemeliharaan kepada-Mu akan agama kami, keimanan kami, diri kami, harta benda kami, anak-anak kami, dan segala nikmat yang telah Engkau kurniakan kepada kami.

Ya Allah, Jadikanlah kami dan mereka semua berada dalam jagaan-Mu, keamanan-Mu, lindungan-Mu, dan pemeliharaan-Mu daripada gangguan setiap syaitan yang durjana, penzalim yang keras kepala, pandangan mata yang jahat (ain), pencerobohan, dan daripada kejahatan setiap yang mempunyai kejahatan. Sesungguhnya Engkau Maha Berkuasa ke atas setiap sesuatu.

Ya Allah, Kami berlindung dengan-Mu daripada hasutan syaitan, serta kejahatan manusia dan jin. Kami memohon kepada-Mu keselamatan, keamanan, dan ketenteraman di tanah air kami. Ya Allah, selamatkanlah kami daripada segala keburukan, dan peliharalah kami daripada bala bencana, wabak, penyakit, dan kesakitan—sama ada yang nyata mahupun yang tersembunyi.

Wahai Tuhan Yang Maha Mengetahui Segala Rahsia Hati, Wahai Yang Maha Mengetahui apa yang tersirat di dalam sanubari. Sesungguhnya Engkau mengetahui segala hajat dan tujuan kami pada saat yang penuh keberkatan ini. Maka kami memohon keselamatan yang berpanjangan, serta dijauhkan daripada segala perkara yang dibenci dan ujian yang berat.

Wahai Tuhan Yang Sentiasa Melimpahkan Kebaikan, Kami mengharapkan rahmat dan kelembutan-Mu. Ya Allah, sekiranya di dalam ilmu-Mu yang terdahulu terdapat bala atau keburukan yang telah ditakdirkan ke atas kami, maka palingkanlah ia daripada kami dengan rahmat-Mu, dan gantikanlah ia dengan kebaikan dan kesejahteraan, agar kehidupan kami menjadi kehidupan yang baik lagi bermanfaat.

Ya Allah, Sesungguhnya kami memohon kepada-Mu keampunan, kesihatan, dan kesejahteraan yang berkekalan dalam urusan agama, dunia, dan akhirat. Ya Allah, hindarkanlah kami daripada bala bencana, wabak penyakit, dan kesempitan hidup yang tidak mampu dihilangkan oleh sesiapa pun melainkan Engkau.

Ya Allah, Perelokkanlah kesudahan segala urusan kami, dan lindungilah kami daripada kehinaan di dunia dan azab di akhirat. Wahai Tuhan kami,

kepada Engkaulah kami bertawakal, kepada Engkaulah kami kembali, dan kepada Engkaulah tempat kesudahan segala sesuatu.

Wahai Tuhan kami, kurniakanlah kepada kami kebaikan di dunia dan kebaikan di akhirat, serta peliharalah kami daripada azab neraka.

Semoga Allah mencurahkan selawat dan salam ke atas junjungan kami Nabi Muhammad SAW, serta ke atas keluarga dan para sahabat Baginda.

Dan segala puji bagi Allah, Tuhan sekalian alam.